



Bayrisch Polka ie n bal



Idiom: Gherdëina
Meludia: Friedrich Senoner
Paroles: Friedrich Senoner

Chi n' à pa mei mo audì
cuntan de Mena dl Sauté,
cunesciuda lonc y lerch per bona de balé
a nëus musicontri ov'la dit nsci:
“Bay'risch-Polka ie n bel bal,
chël me sunëis a mi,
bay'risch-Polka ie n bel bal
y chël balen nsci.”

Canche l vën pa nzaul balà
Mena ie da udëi,
juebia grassa, carnescià,
segra d'Urtijëi,
a nëus musicontri ov'la dit nsci:
„Bay'risch-Polka ie n bel bal,
chël me sunëis a mi,
bay'risch-Polka ie n bel bal
y chël balen nsci.”

Balé pra l gusté da mont
ne n'ova nia butà,
dut cant jiva n turont y
Mena s'ova nciampà.
A nëus musicontri dij'la for mo nsci:
“Bay'risch-Polka ie n bel bal,

chël me sunëis a mi,
bay'risch-Polka ie n bel bal,
chël balen nsci.“